

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-23-15859/19
Sarajevo, 07.11.2019. godine

Na osnovu člana 14., člana 69. stav (2) tačka e) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi

Odluku o stavljanju van snage Odluke o izboru najpovoljnijeg ponuđača u predmetu - Izvođenje radova na investicionom održavanju i sanaciji sportske dvorane „Ramiz Salčin“ i donosi Odluku o poništenju postupka javne nabavke

I

Stavlja se van snage Odluka o izboru najpovoljnijeg ponuđača broj 02/12-23-15859/19 od 13.9.2019. godine u predmetu – Izvođenje radova na investicionom održavanju i sanaciji sportske dvorane „Ramiz Salčin“, broj obavještenja 422-7-3-209-3-100/19, objavljeno na Portalu javnih nabavki BiH dana 26.7.2019. godine.

II

Prihvata se preporuka Komisije za javnu nabavku radova i poništava se postupak javne nabavke - Izvođenje radova na investicionom održavanju i sanaciji sportske dvorane „Ramiz Salčin“, broj obavještenja 422-7-3-209-3-100/19, objavljeno na Portalu javnih nabavki BiH dana 26.7.2019. godine, obzirom da su sve prihvatljive ponude znatno veće od osiguranih sredstava za predmetnu nabavku.

III

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-23-15859/19 od 25.7.2019. godine Općina Novi Grad Sarajevo pokrenula je postupak javne nabavke za izvođenje radova na investicionom održavanju i sanaciji sportske dvorane „Ramiz Salčin“, u konkurentskom postupku, broj obavještenja 422-7-3-209-3-100/19, objavljeno na Portalu javnih nabavki BiH dana 26.7.2019. godine.

Na preporuku Komisije za javnu nabavku radova donesena je Odluka o izboru najpovoljnijeg ponuđača broj 02/12-23-15859/19 od 13.9.2019. godine, kojom se ugovor dodjeljuje najpovoljnijem ponuđaču „Mont gradnja“ d.o.o. Sarajevo, sa ponuđenom cijenom za ugovor u iznosu od 80.101,87 KM bez PDV-a.

Naknadnim uvidom Komisije utvrđen je propust u zapisniku o pregledu i ocjeni ponuda, te je utvrđeno da ponuđena vrijednost za ugovor najpovoljnijeg ponuđača i nakon provedene e-aukcije prelazi vrijednosni razred za postupak koji se provodi.

U izvještaju o pregledu i ocjeni ponuda Komisije od 30.10.2019. godine konstatovano je da su cijene prihvatljivih ponuda i nakon provođenja e-aukcije znatno veće od sredstava planiranih za predmetnu nabavku, te da prelaze vrijednosni razred za postupak koji se provodi. Ugovorni organ provodi postupak konkurentskog zahtjeva za dostavu ponuda u slučaju da je procijenjena vrijednost nabavke radova manja od iznosa od 80.000,00 KM. U konkretnom slučaju ponuda „Mont gradnja“ d.o.o. Sarajevo iznosi 80.101,87 KM bez PDV-a, ponuda „Sela“ d.o.o. Sarajevo iznosi 85.631,23 KM bez PDV-a, dok je ponuda „Megagradnja“ d.o.o. Zenica odbačena shodno odredbama člana 67. stav (4) tačka g), zbog nedostavljanja saglasnosti za ispravku računске greške.

Imajući u vidu naprijed navedeno prihvata se preporuka Komisije za stavljanje van snage Odluke o izboru najpovoljnijeg ponuđača broj 02/12-23-15859/19 od 13.9.2019. godine i poništenje postupka javne nabavke, te je shodno odredbama člana 69. stav (2) tačka e) Zakona o javnim nabavkama („Službeni glasnik BiH“, br. 39/14) odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rješavanje žalbi BiH putem ugovornog organa u roku od 5 (pet) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:
mr. Nejra Smajić Šahić

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik
mr. Semir Efendić

